

յնքուստղէմ՝ յուխտատեղիս 'ի Գողգոթա, և 'ի սաՀմանեալ տուրս, հրովարտակաւ նախագահութիւնն է Լատինաց, նմանապէս ըստ սովորութեան և ըստ զօրութեան Կայսերական դաշնագրոյն, որպէս 'ի Կոստանդինուպօլիս, նոյնպէս և յայլ տեղիս յորժամ ժողովիմք ընդ աղգս քրիստոնէից, միշտ նախագահութիւնն սեփական է Լատինաց, և ապա մատոյց զդաշնագիրս և զայլ գրեանս, որոց խմատքըն համաձայն էին բանից իւրոց: Եւ 'ի հարցանել դատաւորին ջայլազգիս ոմանս. նոքա ետուն պատասխանի եւ ասեն, ոյր ձեռն միան փականք երկից դրանց եկեղեցւոյն Բեթղէհէմի, նա յամենայն ժողովս նախագահ բազմի, և այժմ՝ փականքն այնոքիկ են 'ի ձեռս Լատինաց. և դատաւորն հաստատեաց զնախագահութիւնն նոցին եւ արգել զցոյնս:

Յովհաննէս վարդապետ տեղակալ, զնէ երկաթ 'ի պատուհանս Բեթղէհէմի վանաց: Եւ զկնի քննութեան դատաւորի, եկից զմի բերանն ջրհորոյն, որ 'ի վերայ ձանապարհին. յորմէ ընուին այլազգիք Սիոնի քարինս եւ հողս, և մնաց մի բերանն 'ի ներքս 'ի վանս Ս. Փրկչի. և դատաւորն գրեաց առ բնակիչս Սիոնի չհակառակիլ ընդ Հայոց վասն ջրհորոյն:

Լատին կղերք ունէին ոխս յաւուրց անտի Անդրեաս Պատրիարքին Հայոց, որ նորոգեաց զգերեզման Ս. Կուսին եղեալ 'ի մտի հասուցանել չարիս Հայոց 'ի դիպող ժամանակի, որոյ վասն գրգռեցին զլուսարարն իւրեանց գերեզմանի Ս. Աստուածածնի հակառակիլ միաբանացն Հայոց, և 'ի բաց վանել անտի զուխտաւորս նոցա, որպէս թէ չունիցին նոքա անդ իրաւունս. զի եկեղեցին և գերեզմանն սեփական իցէ միայն Լատինաց: Զայսպիսի անկարգութիւնս Լատինաց ազգ արարին Հայք դատաւորի քաղաքին, եւ մատուցին զհրովարտակս և զգրեանս վասն սեփականութեան իւրեանց: Եւ դատաւորն ետ ընթեռնուլ զնոսա 'ի ժողովի անդ, յորում էր եւ թարգմանն Լատինաց Մանսուր եւ ետ կոչել զերկոսին այլազգի դճնապանս գերեզմանի Ս. Կուսին. զի 'ի սմին ժամանակի 'ի ձեռս նոցա էր փականք դրանն, եւ ըզթարգմանն Յունաց, զլուսարար տաճարին Ս. Յարու-